

Z A P I S N I K
SA OSNIVAČKE SJEDNICE REKTORSKE KONFERENCIJE
UNIVERZITETA/SVEUČILIŠTA U PRIVATNOM VLASNIŠTVU U BOSNI I
HERCEGOVINI ODRŽANE 23.11.2015. GODINE

Osnivačka sjednica je održana u kabinetu rektora Evropskog univerziteta "Kallos" Tuzla, na adresi ul. Maršala Tita 2A i 2B u Tuzli, dana 23.11.2015. godine s početkom u 12.00 sati. Sjednici su prisustvovali sljedeći, i to:

- 1) Prof. dr. Nedeljko Stanković, v.d. rektor Evropskog univerziteta „Kallos“ Tuzla;
- 2) Prof. dr. Mirko Kulić, rektor Evropskog univerziteta Brčko distrikt;
- 3) Prof. dr. Milenko Kundačina, rektor Sveučilišta Hercegovina;
- 4) Prof. dr. Marko Matić, rektor Univerziteta modernih znanosti – CKM Mostar;
- 5) Prof. dr. Rasim Dacić, rektor Univerziteta u Travniku;
- 6) Prof. dr. Mirko Puljić, rektor Sveučilišta „Vitez“, koji je bio na telefonskoj vezi;
- 7) Prof. dr. Salih Bučuk, kao inicijator osnivanja Rektorske konferencije i ovlašteni predstavnik Internacionalnog univerziteta u Travniku, i
- 8) Mr. Albina Abidović, zapisničar.

Prisutnima se obratio prof. dr. Salih Bučuk, kao inicijator osnivanja Rektorske konferencije privatnih univerziteta/sveučilišta u Bosni i Hercegovini. Pozdravio je prisutne, otvorio sjednicu i iznio dosadašnje aktivnosti koje su preduzete na osnivanju Rektorske konferencije.

Prof. dr. Milenko Kundačina se, zatim, obratio prisutnima, predstavio se i iznio svoj stav o ideji osnivanja Rektorske konferencije.

Prof. dr. Marko Matić se obratio i pozdravio prisutne, i iznio svoj stav o ideji osnivanja Rektorske konferencije.

Riječ je preuzeo prof. dr. Salih Bučuk, zahvalio se profesoru Matiću. Zatim je iznio svoje stavove u vezi rda privatnih univerziteta/sveučilišta, zatim i o procesu implementacije bolonjskog sistema obrzovanja u Bonsi i Hercegovini.

Prisutnima se obratio prof. dr. Mirko Kulić, predstavio se i iznio svoja iskustva u radu na privatnom univerzitetu i odnosu vlasti prema univerzitetu.

Riječ je preuzeo prof. dr. Nedeljko Stanković, koji je pozdravio prisutne i iznio svoje mišljenje o dosadašnjim preduzetim aktivnostima na osnivanju Rektorske konferencije.

Prof. dr. Rasim Dacić pozdravio je prisutne, predstavio se i obratio prisutnima pozdravljajući ideju osnivanja Konferencije.

Na sjednici je predložen sljedeći

DNEVNI RED

- 1) Potpisivanje Sporazuma o osnivanju Rektorske konferencije univerziteta/sveučilišta u privatnom vlasništvu u Bosni i Hercegovini;
- 2) Izbor predsjedavajućeg/predsjedavatelja Rektorske konferencije;
- 3) Izbor generalnog sekretara Rektorske konferencije;
- 4) Usvajanje Statuta Rektorske konferencije;
- 5) Prijedlog sjedišta Rektorske konferencije, i
- 6) Rasprava o eventualnim temama vezanih za rad Rektorske konferencije.

Dnevni red je jednoglasno usvojen.

AD. 1. Jednoglasnom odlukom usvojen je i potpisan Sporazum o osnivanju Rektorske konferencije univerziteta / sveučilišta u privatnom vlasništvu u Bosni i Hercegovini.

AD. 2. Jednoglasnom odlukom članica Rektorske konferencije za predsjedavajućeg/predsjedavatelja Rektorske konferencije izabran je prof. dr. Mirko Puljić. Izabrani kandidat prof. dr. Mirko Puljić putem telefona je izjavio da je saglasan.

AD. 3. Jednoglasnom odlukom članica Rektorske konferencije za generalnog sekretara/tajnika Konferencije izabran je prof. dr. Salih Bučuk. Izabrani kandidat izjavio je da je saglasan.

AD. 4. Jednoglasnom odlukom članica Rektorske konferencije usvojen je Statut Rektorske konferencije.

AD. 5. Jednoglasnom odlukom članica Rektorske konferencije za sjedište Rektorske konferencije izabran je grad Vitez.

Sjednica je završena u 13.20 sati.


U Tuzli, 23.11.2015. godine

Zapisničar:



Albina Abidović, dipl. Pravnik

Predsjedavajući/predsjedavatelj
Rektorske konferencije:



Prof. dr. Mirko Puljić